

اسلام محبوبی

شعاری : « دینی برہمیت ، عبادتی برودیدہ » در .

— صانی ۱۵ : ۳۰ ذی الحجہ ۱۳۳۲
۶ : ۶ تشرین ثانی ۱۳۳۰
جلد ۲

مدیری : حلیم ثابت

بیاننامه هایون صورتی

اردوسه ، دوناننامه :

دول معظمه آره سنده حرب اعلان ایدلسی اوزرینه هر دائم نا کھانی
و حقسز تجاوزلره اوغرایان دولت و مملکتیزك حقوق موجودیتی فرصتجو
دشمنلره قارشى ایجابنده مدافعه ایدم بیلیمك اوزره سزلی سلاح آلتنه چاغیرم شدم.
بو صورتله مسلح بر بی طرفلی ایچنده یشامقده ایکن قره دکیز بوغازیته طورپیل
قویمق اوزره یوله چیقان روس دونانماسی، تعلیم ایله مشغول اولان دونانمازك بر قسمی
اوزرینه آنسزین آتش آچدی. حقوق بین الملله مغایر اولان بو حقسز تجاوزك
روسیه جانبندن تصحیحنه انتظار اولنورکن كرك مذکور دولت كرك متفقلری
انكلتره و فرانسه دولتلری سفیرلرینی کری چاغیرمق صورتیله دولتمزله مناسبات
سیاسیه لرینی قطع ایتدیلر. متعاقباً روسیه عسکری شرق حدود مزه تجاوز ایتدی.
فراقه وانكلتره دونمالری مشترکاً چناق قلعه بوغازینه ، انكلیز کیلری عقبه یه
طوب آتدیلر. بویه یکدیگری ولی ایدن خائنه دشمنك آتاری اوزرینه
اوتهدن بری آرزو ایتدیکنز صاجی ترك ایدرك آلمانیا، آوستریا - مجارستان
دولتلیله متفقاً منافع مشروعه مزى مدافعه ایچون سلاحه سارلمغه مجبور اولدق.
روسیه دولتی اوچ عصر دئیری دولت علیه مزى ملکاً پك چوق ضررلره
اوغراتمش، شوکت و قدرت ملیه مزى آرتدیراجق انبیه و تجمدد آتارینی حرب
ایله و بیک درلو حیل و دسائس ایله هر دفعه سنده محوه چالیشمشدر، روسیه
انكلتره و فرانسه دولتلری ظالمانه براداره آلتده ایکله تدکلری میلیو قلرجه اهل
اسلامی دیانة و قلباً مربوط اولدقلری خلافت معظمه مزه قارشى هیچ بر وقت
سوء فکر بسلمکدن فارغ اولما مشلر و بزه متوجه اولان هر مصیبت و فلاکته
مسبب و محرك بولنمشلردر. ایشته بو دفعه توسل ایتدیکنز جهاد اکبر ایله بر
طرفدن شان خلافت مزه بر طرفدن حقوق سلطنت مزه قارشى ایقاع ایدیه کلمکده
اولان تعرضلره انشاالله تعالی الی الابد نهایت ویره جکرعون و عنایت باری ومدد
روحانیت پیغمبری ایله دونانمازك قره دکزده وجسور عسکرلر مزك چناق قلعه

و عقبه ایاه قفقاس حدودند دشمنلره اوردقلری ایلاک ضربه لر حق یولنده کی غزامنك ظفرله تنوج ایدم جکی حقنده کی قناعتی تزیید ایلشد.

بوکون دشمنلرمنك مملکت و اردولرینك متفقلرمنك پای جلادتی آلتند ازیلمکده بولنسی بو قناعتی تأیید ایدن احوالند.

قهرمان عسکرلرم : دین مینمزه ، وطن عزیزمنزه قصد ایدن دشمنلره آجدیغمنر بو مبارک غزا و جهاد یولنده بر آن عزم و ثباتدن ، فداکارلقدن آیریلمايکمز. دشمنه آرسلانلر کی صولت ایدیکز : زیرا هم دولتمنك هم قنوی شریفه ایاه جهاد اکبره دعوت ایتدیکم اوچوز میلیون اهل اسلامک حیات و بقاسی سزلك مظفرتکزه باغلیدر. مسجدرده ، جامعلرده ، کعبه اللهده حضور رب العالمینه کمال وجد و استغراق ایاه متوجه اوچوز میلیون معصوم و مظلوم مؤمن قلبنک دعا و تمنیاتی سزکه برابردر .

عسکر اولادلرم : بوکون عهد کزه ترتب ایدن وظیفه شمعی به قدر دنیا ده هیچ بر اردویه نصیب اولامشدر . بو وظیفه نی ایفا ایدرکن بر وقتلر دنیایی تتره تمش اولان عثمانلی اردولرینك خیر الحقلری اولدیغکزی کوستریکزه دشمن دین و دولت بردها مقدس طور اقلرمنزه آیاق آتمغه ، کعبه اللهی و مرقد نبوی بی احتوا ایدن اراضی مبارکه حجازیه نك استراحتی اخلاص جرات ایدمسون . دینی ، وطنی ، ناموس عسکرینی سلاحیه مدافعه ایتکی ، پادشاه اوغرند اولومی استحقار ایلمکی بیلر بر عثمانلی اردو و دونانماسی موجود اولدیغنی دشمنلره مؤثر بر صورتده کوستریکز . حق و عدل بزده ظلم و عدوان دشمنلر- مزده اولدیغندن دشمنلرمنی قهر ایتک ایچون جناب عادل مطلقک عنایت صمدانیه سی و پیغمبر ذیشانمك امداد مغویسی بزه یار و یاور اوله جفتده شبه یوقدر . بو جهاددن ماضینک ضررلرینی تلافی ایتش شانلی و قوی بر دولت اوله رق حقیقه جغمنزه امین . بوکونکی حربده برلکده حرکت ایتدیکمز دنیانک اک جسور و محتشم ایکی اردوسیه سلاح آرقداشلقی ایتدیککزی اونوتمايکمز . شهیدلریکز شهدای سالفیه مرده ظفر کتورسون صاغ قالانلریکزک غزاسی مبارک ، قلیجی کسکین اولسون .

۲۲۸ ذی الحجه ۱۳۳۲ و ۲۹۸ تشرین اول ۱۳۳۰

محمد رشاد